



## საქართველოს მთავრობის ბ ა ნ კ ა რ ბ უ ლ ე ბ ა

N338 2024 წლის 12 მარტი ქ. თბილისი

2024 – 2026 წლების განმავლობაში შპს „ბათუმის ავტოტრანსპორტისთვის“ განკუთვნილი M2 კატეგორიის (100 ერთეული) და M3 კატეგორიის (25 ერთეული) ავტოსატრანსპორტო საშუალებების სახელმწიფო შესყიდვის კონსოლიდირებული ტენდერ(ებ)ის საშუალებით განხორციელების თაობაზე

1. „სახელმწიფო შესყიდვების შესახებ“ საქართველოს კანონის 20<sup>2</sup> მუხლის შესაბამისად, 2024 წლის განმავლობაში შპს „ბათუმის ავტოტრანსპორტისთვის“ განკუთვნილი M2 კატეგორიის (100 ერთეული) და M3 კატეგორიის (25 ერთეული) ავტოსატრანსპორტო საშუალებების სახელმწიფო შესყიდვის განსახორციელებლად, სახელმწიფო შესყიდვების ერთიანი ელექტრონული სისტემის მეშვეობით ჩატარდეს კონსოლიდირებული ტენდერ(ებ)ი.

2. „სახელმწიფო შესყიდვების შესახებ“ საქართველოს კანონის 19<sup>1</sup> მუხლის შესაბამისად, შპს „ბათუმის ავტოტრანსპორტისთვის“ განკუთვნილი M2 და M3 კატეგორიის ავტოსატრანსპორტო საშუალებების 2024 – 2026 წლების კონსოლიდირებულ ტენდერ(ებ)ში სატენდერო წინადადების წარდგენისათვის საფასური განისაზღვროს 10000 (ათი ათასი)

ლარის ოდენობით, ხოლო იმ შემთხვევაში, თუ კონსოლიდირებული ტენდერი შეწყდება ან დასრულდება უარყოფითი შედეგით, აღნიშნულიდან არა უგვიანეს 60 კალენდარული დღის განმავლობაში იმავე შესყიდვის ობიექტზე განმეორებით გამოცხადებულ კონსოლიდირებულ ტენდერში, შეწყვეტილ ან უარყოფითი შედეგით დასრულებულ კონსოლიდირებულ ტენდერში მონაწილე პრეტენდენტისთვის სატენდერო წინადადების წარდგენის საფასური განისაზღვროს 1000 (ათასი) ლარის ოდენობით.

3. საჯარო სამართლის იურიდიულმა პირმა – სახელმწიფო შესყიდვების სააგენტომ უზრუნველყოს შპს „ბათუმის ავტოტრანსპორტისთვის“ განკუთვნილი M2 და M3 კატეგორიის ავტოსატრანსპორტო საშუალებების 2024 – 2026 წლების კონსოლიდირებული ტენდერ(ებ)ის ჩატარებისათვის კანონმდებლობით დადგენილი სამართლებრივი, ტექნიკური და ორგანიზაციული ღონისძიებების განხორციელება.

4. M2 და M3 კატეგორიის ავტოსატრანსპორტო საშუალებების 2024 – 2026 წლების კონსოლიდირებული ტენდერ(ებ)ის ჩატარებისა და მათი შემდგომი ადმინისტრირების მიზნით, შეიქმნას შპს „ბათუმის ავტოტრანსპორტისთვის“ განკუთვნილი M2 და M3 კატეგორიის ავტოსატრანსპორტო საშუალებების 2024 – 2026 წლების კონსოლიდირებული ტენდერ(ებ)ის სატენდერო კომისია, დამტკიცდეს მისი თანდართული შემადგენლობა და საქმიანობის წესი.

პრემიერ-მინისტრი



ირაკლი კობახიძე

დამტკიცებულია  
 საქართველოს მთავრობის  
 2024 წლის №12 მარტის  
 №338 განკარგულებით

2024 – 2026 წლების განმავლობაში შპს „ბათუმის ავტოტრანსპორტისთვის“ განკუთვნილი M2 კატეგორიის (100 ერთეული) და M3 კატეგორიის (25 ერთეული) ავტოსატრანსპორტო საშუალებების კონსოლიდირებული ტენდერ(ებ)ის სატენდერო კომისიის შემადგენლობა და საქმიანობის წესი

1. M2 და M3 კატეგორიის ავტოსატრანსპორტო საშუალებების 2024 – 2026 წლების კონსოლიდირებული ტენდერ(ებ)ის სატენდერო კომისია (შემდგომში – სატენდერო კომისია) შექმნილია შპს „ბათუმის ავტოტრანსპორტისთვის“ განკუთვნილი M2 და M3 კატეგორიის ავტოსატრანსპორტო საშუალებების 2024 – 2026 წლების კონსოლიდირებული ტენდერ(ებ)ის ჩატარებისა და მათი შემდგომი ადმინისტრირების მიზნით.

2. ბაზრის კვლევის შედეგებზე დაყრდნობით, კონსოლიდირებული ტენდერის თავისებურებებიდან და საბიუჯეტო სახსრების რაციონალური ხარჯვის პრინციპიდან გამომდინარე, სატენდერო კომისია უფლებამოსილია, ამ განკარგულების პირველ პუნქტში განსაზღვრული ვადის განმავლობაში ჩაატაროს ერთი ან რამდენიმე კონსოლიდირებული ტენდერი.

3. სატენდერო კომისიის შემადგენლობაში შედიან:

სსიპ – სახელმწიფო შესყიდვების სააგენტოს თავმჯდომარე – სატენდერო კომისიის თავმჯდომარე;

საქართველოს მთავრობის ადმინისტრაციის უფროსის მოადგილე – სატენდერო კომისიის თავმჯდომარის მოადგილე;

საქართველოს რეგიონული განვითარებისა და ინფრასტრუქტურის მინისტრის მოადგილე – სატენდერო კომისიის თავმჯდომარის მოადგილე;

საქართველოს იუსტიციის მინისტრის მოადგილე – სატენდერო კომისიის წევრი;

საქართველოს ფინანსთა მინისტრის პირველი მოადგილე/მოადგილე – სატენდერო კომისიის წევრი;

საქართველოს თავდაცვის მინისტრის მოადგილე – სატენდერო კომისიის წევრი;

საქართველოს ეკონომიკისა და მდგრადი განვითარების მინისტრის მოადგილე – სატენდერო კომისიის წევრი;

საქართველოს შინაგან საქმეთა მინისტრის მოადგილე – სატენდერო კომისიის წევრი;

სსიპ – საქართველოს კონკურენციისა და მომხმარებლის დაცვის სააგენტოს თავმჯდომარე – სატენდერო კომისიის წევრი.

4. დაევალოთ ამ დანართის მე-3 პუნქტით განსაზღვრულ ადმინისტრაციულ ორგანოებს, სატენდერო კომისიის შემადგენლობაში შემავალი წევრები წერილობით წარუდგინონ (მათ შორის, ცვლილების შემთხვევაში) სსიპ – სახელმწიფო შესყიდვების სააგენტოს მოთხოვნიდან არა უგვიანეს 10 დღის ვადაში.

5. ორგანიზაციული და ტექნიკური ტიპის ან/და ხელშეკრულების შესრულების პერიოდში მიმდინარე საკითხებთან დაკავშირებით, რომლებიც არ საჭიროებენ სატენდერო კომისიის სხდომის მოწვევას, კომისიის მიერ გადაწყვეტილება შესაძლებელია, მიღებულ იქნეს კონსოლიდირებული ტენდერების მენეჯმენტის [ctd.spa.ge](mailto:ctd.spa.ge) სისტემის ან [batumi-bus2024@spa.gov.ge](mailto:batumi-bus2024@spa.gov.ge) ელექტრონული ფოსტის მეშვეობით. აღნიშნული საშუალებებით გამოხატული პოზიცია ან/და მიღებული გადაწყვეტილებები წარმოადგენს იურიდიული ძალის მქონე დოკუმენტებს.